



# JAVNI POZIV ZA UČEŠĆE JEDINICA LOKALNIH SAMOUPRAVA U BiH U PODRŠCI USPOSTAVLJANJU MODELA ZA FINANSIRANJE NEVLADINIH ORGANIZACIJA KOJE SE BAVE PITANJIMA MLADIH

Oznaka poziva:	22.01.0-N2.1a-6
Naziv poziva:	<b>Javni poziv za učešće jedinica lokalnih samouprava u BiH u podršci uspostavljanju modela za finansiranje nevladinih organizacija koje se bave pitanjima mladih</b>
Datum objave poziva:	15. 2. 2022.
Rok za dostavljanje projektnih prijedloga:	8. 3. 2022. do 16.00 sati

# Javni poziv za učešće jedinica lokalnih samouprava u BiH u podršci uspostavljanju modela za finansiranje nevladinih organizacija koje se bave pitanjima mladih

Institut za razvoj mladih KULT poziva jedinice lokalne samouprave (JLS) u Bosni i Hercegovini da se prijave na javni poziv za učešće jedinica lokalnih samouprava u BiH u podršci uspostavljanju modela za finansiranje nevladinih organizacija koje se bave pitanjima mladih. Javni poziv se raspisuje u okviru inicijative „Capacity Building Works“, koju podržava Vlada Švicarske, a provodi Institut za razvoj mladih KULT.

Jedinice lokalne samouprave prijavljuju se za stručnu podršku u uspostavljanju održivog modela za finansiranje nevladinih organizacija, kao i za sredstva Instituta za razvoj mladih KULT **u iznosu od 30.000 KM**, kojem će, one koje budu odabrane, biti obavezne **pridružiti jednak iznos**, te tako **formirati fond sredstava u iznosu od 60.000 KM**. Iz ovog fonda pružit će se podrška aktivnostima nevladinih organizacija koje rade na pitanjima mladih u toj lokalnoj zajednici.

Sva pitanja koja se tiču ovog javnog poziva dostavljaju se isključivo putem elektronske adrese: [emina.trnka@kultbih.org](mailto:emina.trnka@kultbih.org) (*subject/predmet*: 22.01.0-N2.1a-6, Upit).

Tekst Javnog poziva kao i obrazac prijave dostupni su na online platformi za upravljanje grantovima APPLY na linku: <https://KULT.smapply.io/prog/cbw>

Od aplikanta se traži da **do 8. 3. 2022. do 16.00 sati** dostave prijavu u elektronskom obliku, nakon što se registruju kao organizacija (*organisation*) na online platformi za upravljanje grantovima KULT/APPLY. U sklopu aplikacije će trebati popuniti sve podatke o JLS i odabrati javni poziv na koji apliciraju. Nakon apliciranja će odmah dobiti automatski e-mail kao potvrdu o prijemu aplikacije. Prijave koje ne budu dostavljene na navedeni način i do navedenog roka neće biti uzete u razmatranje.

Svi potencijalni aplikanti trebaju pristupiti registraciji na online platformi za upravljanje grantovima KULT/APPLY čim prije, kako bi se upoznali s uvjetima i tehničkim postavkama aplikacije, a putem linka: <https://kult.smapply.io/acc/r/> Molimo vas da taj link spasite u svoje kratice (*bookmarks*) ako namjeravate aplicirati sada ili u budućnosti, a detaljne instrukcije o procesu registracije možete pronaći na linku: <https://kult.smapply.io/res/p/tehnicke-instrukcije/>. Posebno obratite pažnju na instrukcije o popunjavanju **Eligibility** obrasca, koji možete popuniti nakon što se registrujete kroz svoj profil ili putem linka: <https://kult.smapply.io/acc/app/#eligibility>

Institut za razvoj mladih KULT će putem platforme KULT/APPLY obavijestiti sve prijavljene JLS o ishodu Javnog poziva.

## Pozadina

Jedinice lokalnih samouprava u BiH su, kroz svoje razvojne strategije, strategije prema mladima ili druge strateške dokumente, uglavnom prepoznale neophodnost i važnost usmjeravanja sredstava podrške programima, projektima, inicijativama i aktivnostima koje za cilj imaju unapređenje položaja mladih, a imajući u vidu negativne trendove i statistike koje govore o brojnim problemima i izazovima sa kojima se mladi susreću u BiH. Međutim, istraživanja su pokazala da se sredstva, koja JLS usmjeravaju nevladinim organizacijama koje se bave pitanjima mladih, vrlo često dodjeljuju netransparentno, za aktivnosti i projekte koji nisu usklađeni sa stvarnim potrebama, te bez praćenja i evaluacije postignutih rezultata. Česta je i praksa da se ukupan iznos raspoloživih sredstava budžetske stavke za podršku mladima dodijeli svim prijavljenim aplikantima, kako niko ne bi bio zanemaren. Time svi aplikanti dobivaju jednak ali minoran iznos sredstava, nedovoljan da provedu svoje projekte u cijelosti ili da ih provedu uopće. Na taj način se značajan dio javnih sredstava rasipa, nije adekvatno utrošen i ne pravi stvarnu i vidljivu promjenu u životima mladih ljudi u lokalnoj zajednici. Također, lokalne nevladine organizacije koje uspiju dobiti grantovska sredstva, su često nedovoljno organizacijski

razvijene i nemaju dovoljno kapaciteta. Fokus stavljaju isključivo na provođenje projekata i ne investiraju napore u organizacijski rast i razvoj. Nemaju definirane finansijske i administrativne procedure, ponekad ne djeluju ni u skladu sa zakonskim okvirom, nemaju strateški plan i ne jačaju kapacitete svojih uposlenika. Zato, takve organizacije ne opstaju i zatvaraju se, čime i rezultati koje su stvarali u lokalnoj zajednici gube na kontinuitetu.

Dakle, da bi raspoloživa sredstva bila utrošena svrsishodno i kreirala stvarnu i vidljivu promjenu u zajednici, po pitanju potreba i položaja mladih, jedinice lokalne samouprave moraju uspostaviti i unaprijediti svoje sisteme i procedure dodjele sredstava nevladinim organizacijama za pitanja mladih, odnosno, učiniti ih više transparentnim, strukturiranim i usmjerenim na finansiranje mjerljivih rezultata u zajednici. Sa druge strane, nevladine organizacije, koje iako poznaju potrebe mladih u lokalnoj zajednici, moraju unaprjeđivati svoje interne kapacitete za programsko i finansijsko upravljanje i uložiti veće napore u svoj organizacijski rast. Zato, Institut za razvoj mladih KULT poziva sve jedinice lokalne samouprave u BiH da se prijave na učešće u podršci uspostavljanju modela za finansiranje nevladinih organizacija koje se bave pitanjima mladih, kao i udruživanje sredstava kojim će se prepoznati i ojačati one nevladine organizacije koje će ciljano i mjerljivo doprinijeti rješavanju problema mladih kako u lokalnim zajednicama, tako i u BiH.

## Okvir

Institut za razvoj mladih KULT objavljuje javni poziv za učešće jedinica lokalnih samouprava u BiH u podršci uspostavljanju modela za finansiranje nevladinih organizacija koje se bave pitanjima mladih. Institut za razvoj mladih KULT i svaka odabrana jedinica lokalne samouprave će udruženim sredstvima formirati fond iz kojeg će, u skladu s prethodno usvojenom metodologijom za transparentnu i svrsishodnu dodjelu sredstava, biti podržani projektni prijedlozi nevladinih organizacija koji doprinose unaprjeđenju položaja mladih u odabranim lokalnim zajednicama.

Institut za razvoj mladih KULT će pružiti stručnu podršku svim odabranim jedinicama lokalne samouprave u usvajanju i primjeni **Metodologije dodjele sredstava organizacijama civilnog društva od strane jedinica lokalnih samouprava za projekte podrške mladima (Metodologija)**, a koju je razvio stručni tim Instituta. Metodologija obuhvata smjernice za cijeli proces dodjele sredstava nevladinim organizacijama, od raspisivanja javnog poziva do izvještavanja i evaluacije postignutih rezultata. JLS će u skladu sa Metodologijom raspisati javni poziv, te će zajednički sa Institutom napraviti odabir onih organizacija čiji će projektni prijedlozi biti podržani sredstvima iz zajedničkog formiranog fonda JLS i Instituta. JLS će imati mogućnost, u saradnji s Institutom, prilagoditi Metodologiju svojim specifičnostima. Projektni prijedlozi organizacija koji mogu biti podržani trebaju pokrivati teme poput zapošljavanja mladih, obrazovanja mladih, učešća mladih u društvenim tokovima, zdravstvene zaštite mladih, socijalne brige o mladima, informiranja i mobilnosti mladih, sporta, kulture i slobodnog vremena mladih, ljudskih prava i pitanja ravnopravnosti spolova iz perspektive mladih ili neke druge teme unaprjeđenja položaja mladih, a koje su u skladu sa strateškim opredjeljenjima i prioritetnim oblastima JLS-a.

Institut za razvoj mladih KULT će organizacijama koje budu podržane sredstvima iz Fonda pružiti podršku provođenjem certificirane Procjene organizacijskih kapaciteta (KULT/POK) i Procjene organizacijskih performansi (KULT/POP), kao i treninzima o temama koje se u toku procjena pokažu prioritetnim.

## Uvjeti i procedure za prijavljivanje

Javni poziv je otvoren svim JLS u Bosni i Hercegovini koje ispunjavaju sljedeće kriterije:

- JLS osigurat će sredstva za fond podrške projektnim prijedlozima nevladinih organizacija koji doprinose unaprjeđenju položaja mladih, u jednakom iznosu koji doprinosi Institut za razvoj mladih KULT, odnosno 30.000 KM, čime ukupni fond iznosi 60.000 KM.
- JLS spremna je prilagoditi i primijeniti Metodologiju dodjele sredstava nevladinim organizacijama od strane jedinica lokalnih samouprava za projekte podrške mladima, objaviti javni poziv za dodjelu sredstava organizacijama civilnog društva i osigurati raspoloživost budžetskih sredstava za ove namjene u periodu **od maja do decembra 2022. g.**, koliko će trajati provođenje projekata nevladinih organizacija.

JLS popunjavanjem i slanjem PRIJAVE NA JAVNI POZIV putem platforme KULT/APPLY prijavljuju se za saradnju.

Predstavnik/ca Instituta za razvoj mladih KULT bit će uključen u komisiju za odabir projektnih prijedloga koji će biti podržani zajedničkim sredstvima.

Modalitet procesa upravljanja sredstvima, praćenja provođenja projektnih prijedloga kao i izvještavanja bit će zajednički definiran između odabranih JLS i Instituta.

Institut za razvoj mladih KULT će provesti Procjenu organizacijskih kapaciteta i Procjenu organizacijskih performansi organizacija čiji projektni prijedlozi budu podržani iz Fonda.

Potpisivanje ugovora između Instituta i odabranih JLS bit će upriličeno u martu 2022., a jedinice lokalne samouprave obavezne su usvojiti prilagođenu Metodologiju i raspisati javni poziv za organizacije u roku od 30 kalendarskih dana od dana potpisivanja ugovora s Institutom.

Sva pitanja koja se tiču ovog javnog poziva dostavljaju se isključivo putem elektronske adrese: [emina.trnka@kultbih.org](mailto:emina.trnka@kultbih.org) (*subject/predmet*: 22.01.0-N2.1a-6, Upit).

Institut zadržava pravo da ne dodijeli sva sredstva raspoloživa po javnom pozivu, u slučaju da prijave ne zadovoljavaju kriterije predviđene ovim javnim pozivom.

Institut nije dužan obrazlagati aplikantima rezultate javnog poziva niti učiniti javnim podatke o aplikantima, prijavama ili o procjeni prijave.

Aplikanti koji budu pokušali na bilo koji način manipulirati podacima, koji budu kontaktirali uposlenike/ce Instituta s namjerom da neslužbeno saznaju rezultate ocjene prijave ili budu pokušali na nelegalan način dobiti projektna sredstva, bit će automatski isključeni iz procesa odabira.

# Rok za dostavljanje prijave na javni poziv

Od aplikanta se traži da **do 8. 3. 2022. do 16.00 sati** dostave prijavu u elektronskom obliku, nakon što se registruju kao organizacija (*organisation*) na online platformi za upravljanje grantovima KULT/APPLY. U sklopu aplikacije će morati popuniti sve podatke o svojoj jedinici lokalne samouprave i odabrati projekt na koji apliciraju. Nakon apliciranja će odmah dobiti automatski e-mail kao potvrdu o prijemu aplikacije. Prijave koje ne budu dostavljene na navedeni način i do navedenog roka neće biti uzete u razmatranje.

Svi potencijalni aplikanti trebaju pristupiti registraciji na online platformi za upravljanje grantovima APPLY čim prije, kako bi se upoznali s uvjetima i tehničkim postavkama aplikacije, a putem linka: <https://KULT.smapply.io/prog/cbw>. Molimo vas da taj link spasite u svoje kratice (*bookmarks*) ako namjeravate aplicirati sada ili u budućnosti, a detaljne instrukcije o procesu registracije možete pronaći na linku: <https://kult.smapply.io/res/p/tehnike-instrukcije/>. Posebno obratite pažnju na instrukcije o popunjavanju **Eligibility** obrasca, koji možete popuniti nakon što se registrujete kroz svoj profil ili putem linka: <https://kult.smapply.io/acc/app/#eligibility>

Prijave koje ne budu dostavljene na način opisan u Javnom pozivu neće biti uzete u razmatranje.

Prijave na Javni poziv koje pristignu nakon navedenog roka kao ni prijave na neodgovarajućim obrascima neće biti uzete u razmatranje.

## Ishod javnog poziva

Nakon što Komisija ocijeni i rangira sve pristigle prijave, Institut će putem platforme KULT/APPLY obavijestiti sve prijavljene jedinice lokalne samouprave o ishodu Javnog poziva.

One prijave koje budu pozitivno ocijenjene ulaze u fazu pregovora i fazu potpisivanja ugovora.

###KRAJ DOKUMENTA###